

Federico II di Svevia

*Arenga 110*

Basilicata University Press

—

*Digital Humanities*

Edizioni e data-bases digitali

sotto la direzione di Fulvio Delle Donne

Federico II di Svevia

*Arenga 110*

Maggio 1210

Inter cetera preclare laudis preconia

Inter cetera preclare laudis preconia, que immortalis m[e]morie titulis thronum adornant regie maiestatis, illud celesti regi a rege terreno devote conceditur et immortalis deo non solum recte confertur, set rectissime ad honorem et gloriam altissimi dedicatur, quod in conspectu summi regis absque tedio permanet, sine defectu durat, sine termino perseverat. Indignum est siquidem ei negare quedam, qui [d]edit omnia, et plus quam indignum, quia ingratum, largitorem omnium non agnoscere, qui preter salutis et vite, quam conferre dignatur, gratiam et salvare concedit reges per secula et opibus facit et gloria diffusius habundare. Hoc igitur tunc credentes dignius facere, cum locis venerabilibus et maxime monasteriis, ubi sexus fra[g]ilis mulierum per religionis observandam militat Iesu Christo, munificencie nostre dona largimur...